

# Ang **NGUROB** sang Mt. Cansermon

New People's Army, South Central Negros Guerrilla Front

April 2020

## Pataason ang Halintang sang Armadong Paghimakas kag Angkonon ang mga Signipikanteng Kadalag-an sa Bag-ong Dekada!

*Ka Dionesio Magbuelas  
Spokesperson  
Mt. Cansermon Command  
South Central Negros Guerrilla Front  
Marso 29, 2020*

Madinalag-on kag signipikante nga ginasaulog naton karon nga adlaw Marso 29, 2020 ang ika-51 nga Anibersaryo sang New People's Army gikan sa pagkatukod sadtong Marso 29, 1969. Ang NPA singkwenta'y uno na ka tuig nga lubos nga nagsakripisyo, tampad kag wala sang nahigot nga mga kondisyon sa pag-alagad sa pumuluyong Pilipino agud hilwayon ini batok sa pagpanghimulos kag pagpamigos sang imperyalismong Estados Unidos, burukrata kapitalismo kag pyudalismo nga ginatiglawas sang mga na-



gahari nga sahi, mga dalagkong burgesyang komprador kag lokal nga pyudalista-dalagkong agalon may duta.

Kadungan sining maragtason nga pagsau-

log sang ika-51 nga pag-sukat sang NPA, ang paghatag man naton sang pagpasidungog sa aton mga rebolusyonaryong martir diin nagsakripisyo, nagpaambit sang ila mga

kinaalam kag ikasarang, subong man lig-on nga nag-uyat sang mga sandigan nga prinsipyo, disiplina kag mga patakaran tubtob sa kata-pusan nga pitik sang ila mga pulso tanda sang ila kaisog dira sa tunga sang patag-awayan subay sa pagpakig-away gerilya atubang sa mga pasistang AFP kag PNP nga mapintas nga makinaryas sang reaksyunaryong estado lamang mapreserbar ang kusog sang bug-os nga rebolusyonaryong kahublagan. Ang aton mga rebolusyonaryong martir, ang aton buhi nga handumanan kag inspirasyon sa aton pagpadayon sang armadong rebolusyon dira sa pag-alagad sa malapad nga katawhan ilabe na sang sahing mangunguma kag mamumugon upod sa iban pa nga sandigan nga seksyon

sang pumuluyong Pilipino.

Mabaskog man kita nga nagapahayag sa pagpanginbulahan sa aton mga pulang kumander kag pulang hangaway upod sa absoluto nga pagpamuno sang Communist Party of the Philippines. Bangud sang ila pagkaisganan kag wala kataka nga pagtuon sang sitwasyon militar kag masanto ang mga teknika kag taktika sa pagpakig-away gerilya batok sa kaaway diin aton napreserbar ang aton rebolusyonaryong kusog sa pihak sang mga katuyuan sang mga nagliligad nga pasistang rehimen nga pulbuson kag iligwin sa malapad nga suporta sang masa ang NPA.


Lubos man naton ginakilala ang kontribusyon sang mga nauna naton nga mga lideres kag hangaway nga tubtob subong handa

gihapon mag-amot sa rebolusyon sandig sa ila masarangan bisan diin man sila italana nga kinaiya sang rebolusyonaryong hilikuton.

Labaw sa tanan kag indig naton malimtan; ang padayon kag wala-paghubas nga suporta sang malapad nga masa sang pumuluyo sa iya sulo nga hangaway nga amo ang New People's Army kag sa bug-os nga rebolusyonaryong hublag. Paagi sa ila pagpadala sang ila mga maayo nga anak nga mga pamatan-on sa kaumahan dira sa Bag-ong Hangaway sang Banwa para lubos panahon nga mag-alagad sa pumuluyo agud tungdan ang hilikuton masa kag sosyal nga imbestigasyon kag pag-analisa sang sahi sa madasig kag epektibo nga pagtukod sang organo sang gahum pulitika sa kaumahan. Ang ila pagpultaym







sa New People's Army; sila ang nagapanguna nga makinaryas sang Communist Party of the Philippines sa pag-agaw sang gahum pulitika sa reaksyunaryo kag nagahari nga sahi nga amo sentral nga katungdanan sang NPA. Bangud sa ila, wala paghubas ang magapasakop sa NPA rason nga wala ini sang kalutusan kag wala man sang paghubas sang mga sumusunod ang bugos nga rebolusyonaryong hublag.

Nangin maragtason ang armadong paghimakas nga ginasulong sang NPA sa pungsod. Bunga ini sang makasaysayanon nga pag-suporta kag partisipasyon sang malapad nga masa sa armadong rebolusyon. Nagsugod ini sa gamay kag huyang panahon sang burgis-liberal nga kinaiya sang demokratikong rebolusyon sang banwa. Bisan pa man, nagsindi ini sang kalayo sang rebolusyon diin nag-tuhog sang lapta-lapta nga paghimakas sa pungsod

batok sa mga dumuluong. Ini ang pag-isa sang halos 200 ka mga ispontanyong paghimakas sang mga rebolusyonaryong Pilipino dira sa Kataas-taasan Kagalang-galangang Katipunan (KKK) batok sa mga pagpangdaug-daug sang mga dumuluong nga kolonyalistang Espanyol sa mga Pilipino sadto. Ang burgis-liberal nga rebolusyon nag-ani sang malapad nga suporta sang masang Pilipino nga ginkulminar sadtong nagdaug nga 1896 nga armadong rebolusyon sang Pilipino batok sa kolonyalistang Espanyol sa pagpamuno ni Gat Andres Bonifacio.

Padayon ang pagtagos sang suporta sang malapad nga masa sa daan nga tipo sang Demokratikong Rebolusyon sang Banwa sa pagpamuno sang Partido Komunista sang Pilipinas nga gintukod sadtong Nobyembre 7, 1930 sa pagpangulo ni Kaupod Crisanto Evangelista. Wala gid ginahubas sang mga

hubines nga mga kabataan ang rebolusyon tubtob nga gintukod ang Kabataang Makabayan (KM) sadtong Nobyembre 30, 1964 bunga sang pag-usbong sang mga kabataan estudyante nga nagpasakop sa unos sang armadong rebolusyon. Ini nga rebolusyon ang ginkuhaan sang mga bula-wanon nga leksyon sa Una nga Kahublagan Panadlong sadtong 1967 kag liwat nga pagkatukod sang Communist Party of the Philippines sadtong Disyembre 26, 1968 diin dala ang hayahay kag panawagan sa pagtadlong sang mga kasaypanan sa linya sang ideolohiya, pulitika kag organisasyon. Hugot nga nagasulong sang bagong tipo sang demokratikong rebolusyon sang banwa bilang pagtib-ong sang pangkabilugan nga linya pampulitika nga may Sosyalistang perspektiba dira sa ubay sang Marxismo-Leninismo-Maoismo nga Partido Komunista sa Pilipinas bilang abanse nga destakamento nga Partido sang sahing Proletaryado.

Sa masobra 5 ka dekada nga armadong rebolusyon sa pungsod, indi hamulag kag indi man mapahigad ang suporta sang masa kag mga kabataan sa banas sang armadong rebolusyon; Marso 29, 1969 ang pormal nga pagtukod sang New People's Army bilang armadong hubon sang Communist Party of the Philippines diin nagikan sa gamay kag mahuyang. Apang sa subong indi manegat ang padayon sini nga

pagdako, nagabaskog kag malig-on nga naga-uyat sang mga sandigan nga prinsipyo sang inaway banwa, salsalon nga disiplina, mga patakaran, programa sang bag-ong tipo nga demokratiko nga rebolusyon sang banwa dira sa balayon sang Pangmala-wigon nga Inaway Banwa.

Sa partikular, ang New People's Army Mount Canseron Command South Central Negros Guerrilla Front lubos gid nagapasalamat sa padayon nga suporta sang pumuluyo diin nag-ani kita sang mga signipikanteng kadalag-an sa tanan nga patag-awayan sa sulod sang 1 ka tuig (Marso 29, 2019-Marso 29, 2020).

Bangud sang inyo suporta padayon kita nga lig-on nga nagatindog sa gihapon sa pihak sang wala untat nga mga pagpang-atake sang pasistang AFP, PNP kag iban pa nga mapintas nga armadong hubon sang US-Duterte nga rehimen sa ila kampanyang militar Oplan Kapanatagan.

Ang padayon nga pagluntad sang New People's Army upod sa masa sa lugar nga ginakabig bilang teritoryo kag ang padayon nga pagdugang sang tropa militar sa Negros pareho sang 14th Civil Military Operation Battalion kag iban pa; ang kongkreto nga basehan nga nagkurit sang kapaslawan sang US-Duterte nga rehimen upod sa pasistang AFP kag PNP sa ila tudo-implementasyon

sang Memorandum Order #32 (de facto Martial Law) kag Executive Order #70 paagi sa pagtukod sang Joint Task Force, Dagyawan sa Barangay idalum sa National Task Force to End Local Communist and Armed Conflict.

Ang lapnagon nga deklarasyon sang AFP/PNP upod sa Local Government Units nga "persona non-grata" ang New People's Army sa mga kabanwahanan kag kasyudaran sa sakop sang South-Central Negros, napuno sang pagyaguta kag kritisismo sang mga Negrosanon. Dulot ini sang pilit kag peke nga pagpasurrender sa mga inosenteng sibilyan. Kag nangin lapnagon ang korapsyon gikan sa kaban sang pumuluyo nga nagserbe gatasan sang mga opisyal sang AFP, PNP kag sang US-Duterte para sa ila mga luho kag kapritso. Baliskad ini sa ginakupal ni Major Gen. Eric Vinoya sang 31D kag Col. Inosencio Pasaporte sang 303rd Bde PA.

Perwisyo man sa pumuluyo sa baryo kag mga Ba-

rangay Officials ang puguso nga pagpaluntad sang Re-tooled Community Support Program (RCSP) sang AFP. Padayon ini nga nagalapang sang tawhanon nga kinamatarung kaangay sang pagpangsaka-saka sa mga kabalayan sa tiron sang kagab-ihon, pagpanghalit sang ila mga tanum, kasapatan kag iban pa nga palangabuhian. Subong man, nagahatag sang kakugmat bunga sang wala basehan nga pagpangaresto, pagpamatay kag pagpasibangud nga "NPA Supporters." Ginareklamo man sang mga Barangay Officials ang pagtiner sang tropa militar sa mga barangay hall sa ila pagtigayon sang RCSP samtang nagapangayo pa sang kontribusyon halin sa pundo sang barangay kag munisipalidad





para sa ila mga pagkaon kag iban pa nga mga kinahanglanon.

Sa kabilugan, lubos nga kapaslawan ang naagum sang US-Duterte, mer-senaryong AFP kag PNP samtang kadalag-an sa hanay sang rebolusyonaryong kahublagan.

Indi mapunggan ang NPA sa pagkonsolida kag pagpalapad sang baseng masa. Ara gihapon ang inis-yatiba sa rebolusyonaryong hublag ang paglunsar sang inaway banwa. Padayon ang pagluntad sang mga pormasyon kag yunit sang NPA sa mga estratehikong lugar agud ilunsar ang inaway banwa sa mas mataas pa nga lebel sa bag-ong dekada. Bastante ang nalab -ot nga lugar sa paghulag para sa talunsay nga pagmani-obra sang mga pulang hangaway sa pagtungod sang hilikuton masa. Nagdako ang isip sang mga baryo kag sityo nga nahulagan. Padayon man ang pagpalig-on sang baseng masa kag pagkatukod sang mga binhi sang organong gahum pulitika sa kauhahan. Nagdako ang isip

sang solidong organisasyon masa sa 10-15% kabang-danan sang pagdako sang pangkabilugan nga isip sang baseng masa nga naglab-ot sa 20-25%. Labi man nga nagtaas ang pam-pulitika nga kamuklatan sang mga katapuan sang organisasyon masa bangud sang padayon nga konsolidasyon sa mga pagtuon sang mga kurso sang Pam-bansang Demokratikong Paaralan. Lig-on man nga nakapangibabaw ang masa bunga sang wala untat nga hilikuton masa kag propaganda sa paggiya sa malaparan nga masang mangunguma kag iban pa nga sektor batok sa mga black-propaganda, kabutigan kag mga pakana sang pasistang militar kag mga kaaway sa sahi.

Nagdako man ang isip sang mga pulang hangaway nga naglab-ot sa 5-7% sa pihak sang tudo-gyera sang militar kumparar sang nagligad nga tuig. Nag-angkon sang bastante nga kahanasan sa maayo nga teknika kag taktika sa pagpakig-away gerilya bunga sang mga nalunsar

nga Sandigan nga Kurso Pulitiko-militar kag direkta nga pag-atubang sa kaaway dira sa patag-awayan. Nakapatuhaw kita sang mga armas kag iban pa nga lohistika militar diin makapa-armas sa dugang pa nga tukuron nga mga platon sang New People's Army.

Nakalunsar man ang MCC-NPA sang indi mag-nubo sa 10 ka serye sang taktikal nga opensiba nga nagtuga sang kaswalidad sa kaaway. Nag-agum ang pasistang AFP kag PNP sang 83 nga kaswalti (66 ang KIA kag 17 ang WIA) sang ginpalukpan sang mga Command Detonated Explosives. Samtang nag-agum man ang NPA sang 5 ka dependensibang aksyon kag nangin rebolusyonaryong martir si "Ka MG" sadtong Hulyo 13, 2019 sa Brgy. Carol-an, Kabankalan City, Negros Occidental.

Namentinar ang paglunsar sang agraryong rebolusyon sa porma sang simple nga kooperasyon sa tunga sang masang mangunguma nga nangin binhi sang pagdula sang pagpanghimulos sang mga agalon may duta dira sa ila mga saop. Nagresulta man ini sang madasig nga pagtrabaho kag pagprodukto sa gamay lang nga gasto sa pagpanguma. Hinay-hinay man ini nga nagadula sang usura sa paghigot sang mga imol nga mangunguma kag mamumugon sa uma sa pagpangutang mataas nga



porsyento sang  
pagpanghimulos sang  
agalon.

Samtang nakapahulag man kita sang linibo ka pumuluyo halin sa mga sandigan nga sahi sa suporta sang nahanunga nga mga pwersa dira sa asud-asod nga mga aksyon masa batok sa pasismo kag militarisasyon bunga sang pagpang-ipit kag paglapas sang tawhanon nga kinamatarung kaangay sang ilegal nga pagpang-aresto kag pagpamatay sa Oplan Sauron 2. Nabuyagyag man naton ang mga pakana sang pasista kag tiraniyang US-Duterte sa ila tudo-larga nga kampanyang militar Oplan Kapanatagan sa implementasyon sang de facto martial law (MO32), NTF/JTF-ELCAC (EO70) kag "Dagyawan sa Barangay" nga amo ang korapsyon kag pangurakot sang PNP kag militar gikan sa kaban sang pumuluyo.

Pabilin nga desperado ang rehimeng US-Duterte upod sa AFP kag PNP bangud dismayado kag indi mapunggan ang paghimakas sang pumuluyo sa pagpamatok, pagbuyagyag kag pagdenunsyar batok sa mga kalakasan sang nasambit nga rehimen. Kag padayon nga pagpangita sang nagakaigo nga hustisya sang mga biktima sa ala-Marcos nga Martial Law nga ginapatuman ni Duterte.

Subong man ang paghimakas para sa tunay nga reporma sa duta, pungsodnon nga industrialisasyon kag pagsulong sang demokratikong interes sang kadaman nga pumuluyo sa pihak sang korapsyon kag kakulang sang serbisyo sosyal.

Bukas kag tampad ang MCC-NPA sa pagpakigsugilanon sa Kalinong paagi sa National Democratic Front of the Philippines (NDFP) bilang opisyal nga tiglawas sang



bug-os nga rebolusyonaryong hublag kag sa tiglawas sang Government of the Philippines (GRP) sa paglab-ot sang "just and lasting peace" nga madugay na nga ginahandum sang pumuluyong Pilipino. Samtang lubos naman nga nagasikway sang "local peacetalks" nga ginatanyag sang mga lunsay militar, sabotahedor kag manugpatalang nga AFP-PNP kag iban pa nga mga aliporis ni

Duterte agud ilihis ang "Peacetalks" padulong sa pagpasurrender.

Ang wala kasolbaran nga krisis sang sistemang kapitalismo sa sobra nga produksyon kag kapital, ang padayon man nga nagabay sa krisis sang himalasyon nga malakolonyal kag mala-pyudal nga sosyedad Pilipino. Padayon ini nga madunot bunga sang pag-igting sang krisis sa ekonomiya kag pulitika. Kag ang naga-igting

nga kontradiksyon sa tunga sang mga imperyalista nga pungsod kaangay sang China kag Estados Unidos ang nagadabok sa pag-igting sang gyera sa kalibutanon nga sakop kag nagatulod man sa mga kolonyal kag malakolonyal nga mga pungsod sa pagsulong sang armadong rebolusyon padulong sa Sosyalismo. Kaangay sa pungsod Pilipinas nga ang rehimeng Duterte lig-on nga nagpabilin

nga tuta sang Estados Unidos kag China. Samtang padayon nga dismayado kag nagadalum ang diskontento sang pumuluyong Pilipino bunga sang pagpang-ipit sang tawhanon nga kinamatarung kag kakulang sang serbisyo sosyal madasig ini nga magbun-ag sang panibag-o nga kahimtang nga nagatulod sa isa ka matuod nga pagbag-o sosyal.

Tuman ka paborable ang



sitwasyon sa pagsulong sang demokratiko nga rebolusyon sang banwa. Hingalitan ang obhetibo nga sitwasyon sa pagkalso sa biak sang nagahari nga sahi. I-angat ang inaway banwa sa mas mataas pa nga halintang kag angkunon ang mga kadalag-an sa bag-o nga dekada.

**Mabuhay ang CPP/NPA/NDF!**  
**Mabuhay ang Demokratikong Rebolusyon sang Banwa!**  
**Mabuhay ang ika-51 nga Anibersaryo sang New People's Army!**  
**Mabuhay ang Masang Pigos!**

## IKAW NAGREBOLUSYON

*Ka Kyle*

Sa imong mga mata akon nga nakita  
 Ang kasubo sa among nabatyagan  
 Biskan sakit imong ginkaya  
 Bangud gusto mo ang Pagkapatas

Ginpili mo ang magrebolusyon  
 Para nga maangkon  
 Ang dugay na nga ginahandom  
 Ginpili mo ang magrebolusyon  
 Para sa malapad nga masa  
 Ginhalad ang kabuhi kon ki-nahanglan

Chorus:

Ohh kaupod indi magkataka  
 Nga aton i-organisa  
 Ang malapad nga masa  
 Nga amo ang nagtuga sang kasaysayan  
 Indi naton kalimtan  
 Ang MLM nga ubay sang  
 Aton nga padulngan



## REBOLUSYON ALANG SA KATAWHAN

*Rap by Ka Glen*

Nakigbisog ka tungod sa sistema  
 Sakripisyo kalisdanan wala giat-atrasan  
 Gihalad ang kinabuhi tunga sa awayan  
 Kay ang pagrebolusyon alang sa  
 Katawhang linupigan

I.  
 Mainiton nga pagsaludo sa imong kaisog  
 Bisan pa man ang kinabuhi sa rebolusyon  
 Gihalad alang sa katawhan  
 Nga naghandom sa kagawasan  
 Sundalo ka sa hut-ong gihimuslan  
 Mabuhay ka kauban  
 Imong pagtaliwan dili pangkatapusan  
 Sa armadong pakigbisog  
 Mamatay ang rebolusyonaryo  
 Pero ang rebolusyon magpadayon  
 Og magkakusog  
 Kami ang mupadayon sa unahan  
 Tungod og alang sa gisumpaang  
 Nga alagaran ang katawhan  
 Bug-at man sa among huna-huna  
 Ang imong pagkawala  
 Apan magpabilin nga buhi ang  
 Imong handumanan  
 Nga amo ang kaisog og kasinatian  
 Nga gitampo sa rebolusyon alang sa  
 Katawhang linupigan

koros:

Nakigbisog ka tungod sa sistema  
 Sakripisyo kalisdanan wala giatrasan  
 Gihalad ang kinabuhi tunga sa awayan  
 Kay ang pagrebolusyon  
 Alang sa katawhang linupigan

II.

Ang gubat naga-asdang og nagkakusog  
Sa taas nga lebel  
Kita ang hukbong mudugmok sa pasistang  
Nag-alagad sa politikong abosador  
Nga naa sa poder  
Kabatan-onan ang paglaom sa  
Atong nasud  
Busa sumpa sa NPA nagapanguna  
Sa armadong pakigbisog  
Dili magpapildi sa burges nga katilingban  
Naa sa atong kamot ang kagawasan  
Sa atong nasod  
Sa atong katilingban puno sa pagpatalang  
Makalingla sa huna-huna sa kabataan  
Aron dili makahuna-huna og magtuki sa  
Tinuod nga kahimtang  
Nga dapat kita ang mubarog ipadayon  
Ang pagrebolusyon  
Kuyog sa armadong pakigbisog

*Balik koros*

III.

Wala ginabali ang kalayo  
sa dalan nga gibaktas  
Sa bukid kita mudulhog og mutungas  
Buntod og suba atong ginlabang  
Para ang misyon mapatuman  
Pila ka panahon kita nagkinuyogay

sa trabaho ug nagtinabangay  
Sa gyera ginhalad nimo ang kinabuhi  
Alang sa masang gin-alagaran  
Kami ang mupadayon og mubawi

*Balik koros*

IV.

Sa karon nga panahon ang sistema sa  
katilingban nagpadayon  
Sandig sa aktwal nga panahon  
Papel sa kabatan-unan sa sistema  
dili naha-om  
Kusog ug panaghiusa sa kabatan-onan  
Sa rebolusyon nagpadayon  
Kita ang sundalo sa kabos  
Tinud-anay nga nag-alagad sa katawhan  
Naghandom sa kagawasan og pagbag-o sa  
Katilingban

Sa natarang gerilya magpahanas kita  
MLM nga teorya dapat ipraktika  
Ayaw huna-hunaa nga ikaw nag-inusara  
Sa armadong pakigbisog  
Kauban ta ang masa  
Personal nga panglantawan dili hatagan  
Ug bili sa huna-huna  
Disiplina og prisipyo maoy una nga armas  
Bilang sundalo sa kabos  
Ang giya sa Partido dili ihamulag sa paglihok



### *Ang NGUROB sang Mt. Canseron*

bukas nga naga-agda sa tanan nga  
magpadala sang inyo kontribusyon  
pareho sa tula, lalantunon, kag mga  
artikulo. Tampad gid kami magabaton  
sang inyo mga pagsaway kag suhestyon  
sa pagpalambo sini nga pampleto.

Nagpasalamat kami sa Ang  
Bayan para sa mga artworks ini  
nga edisyon.